

Pemikiran songsang serang agama Islam perlu diberi perhatian

REMAU 12 April -Gerakan pemikiran songsang yang sentiasa mencari ruang dan peluang untuk menyerang institusi Islam yang merupakan agama bagi negara ini perlu diberikan perhatian oleh segenap lapisan masyarakat Islam.

Menteri Besar, Datuk Seri Mohamad Hasan menjelaskan, gerakan menyebarkan tohmahan dan dakwaan bertujuan menanamkan ketidakpercayaan dan persepsi salah terhadap agensi agama Islam yang penting dalam melaksanakan kedaulatan Islam perlu segera dipandang serius

“Provokasi yang dilakukan kini bukan lagi dalam bentuk idea dan pemikiran semata-mata, malah sudah bermula secara langsung menyentuh autoriti, bidang tugas dan fungsi agensi agama, baik di peringkat negeri mahupun persekutuan.

“Malah lebih menyedihkan lagi, hatta fungsi dan peranan raja-raja sebagai Ketua Agama juga mula dipersoalkan,” katanya ketika berucap dalam Majlis Tilawah Al-



Malah lebih menyedihkan lagi, hatta fungsi dan peranan raja-raja sebagai Ketua Agama juga mula dipersoalkan.”

MOHAMAD HASAN
Menteri Besar Negeri Sembilan

Quran Peringkat Negeri kali ke-58 di Pusat Dakwah Islamiah Paroi dekat sini malam tadi.

Berangkat sama pada majlis itu, Yang Dipertuan Besar Negeri Sembilan, Tuanku Muhriz Tuanku Munawir serta diiringi Tunku Ampuan Besar Negeri Sembilan, Tuanku Aishah Rohani Tengku Besar Mahmud.

Dalam majlis itu, Mohamad Husaini Mahmur, 23, diumumkan johan tilawah al-Quran kategori lelaki dewasa.

Noorliza Tajudin pula memen-

angi kategori wanita dewasa dan Dr. Mohd. Ghazali Abd. Rahman bagi kategori lelaki veteran.

Menyentuh soal jihad, Mohamad menjelaskan persepsi mengenainya tidak hanya terhad kepada bentuk peperangan semata-mata tetapi lebih berkisar tentang mendekati diri kepada Allah dengan pelbagai cara seperti menyampaikan dakwah, berbakti kepada ibu bapa dan melaksanakan haji.

Jelasnya golongan yang menyalahgunakan konsep jihad hanya akan menyebabkan dunia semakin menjauhi Islam dan menafikan kerahmatan Islam sebagai agama yang dibawa oleh baginda Rasulullah.

“Natijah akhirnya, ajaran Islam sejati yang bersifat wasatiyyah akan terus terhakis secara bersemitatik daripada diri kita, malah akan melarat ke tahap kehidupan bermasyarakat dan seterusnya akan membinasakan kedudukannya dalam menguruskan negara ini,” katanya.



MOHAMAD HUSAINI MAHMUR (tengah), Dr. Mohd. Ghazali Abd. Rahman (kiri) dan Noorliza Tajudin bersama piala yang dimenangi dalam kategori masing-masing pada Majlis Tilawah Al-Quran Peringkat Negeri Sembilan 1436H/2015M di Pusat Dakwah Islamiah, Paroi, semalam. - UTUSAN/ABD. RAZAK AID